

10. oktober 2007

UKA 2007/47

**Imerk pilersuineq pillugu Inatsisartut peqqussutaannut nr. xx-imut xx 2007-imeersumut siunnersuummut**

Allannguutissatut siunnersuut

Naalakkersuisunit aappassaaniigassatut saqqummiussaq

§ 2-mut

1. § 2, nr. 1-mi ""Pilersuinermut ledningit" imatut allanngortinneqassaaq: "Ledningit pingaernerit".
2. § 2, nr. 3-mi "maqitsiveqarfiit" imatut allanngortinneqassaaq: "illut maqitsiviit".

§ 5-mut

3. § 5, imm. 1-mi pkt. 2-tut ilanngunneqassaaq: "Suliffeqarfiit imermik pilersuviit ulloq unnuarlu 10 kubikmeter inorlugu pilersuisartut akuersissut pisariaqartinngilaat."

§ 13-imut

4. § 13, imm. 2-mi "paasissutissat taamaaqatai" imaalillugu allanngortinneqassaaq: "paasissutissat tassunga tunngasut".

§ 15-imut

5. §15, imm. 1, nr. 2-mi "imm. 3" peerneqassaaq.

Siunnersuummut oqaaseqaatit

**Oqaaseqaatit nalinginnaasut**

Inatsisartut pequssutissaattut siunnersuummut allannguutissatut siunnersuut pingaartumik Avatangiisinut Pinngortitamullu Pisortaqarfiup tusarniaanermut akissutaa tunngavigalugu. Avatangiisinut Pinngortitamullu Pisortaqarfiup ilaatigut malugeqquaa teknikkikkut paasinnittaatsit/oqariaatsit ersarissartariaqarmata, taamaalilluni pequssutissatut siunnersuut inatsisinut allanut naapertuutilersillugu.

Allallannguutissatut siunnersuut inatsisip teknikkiatigut misissorneqareerpoq.

Allannguutissatut siunnersuut allaffissornikkut kinguneqassanngilaq.

Allannguutissatut siunnersuut aningaasatigut kinguneqassanngilaq.

### **Aalajangersakkanut ataasiakkaanut oqaaseqaatit**

#### *Nr. 1-imut 2-mullu*

Paasinnittaatsit/oqariaatsit puullaqissutaaqqunagit siunnersuutigineqarpoq "Pilersuinermit ledningit" allanngortinneqassasoq imaalillugu: "Ledningi pingaarneq", taanna Avatangiisinut Pinngortitamullu Pisortaqarfiup aamma Nukissiorfiit taaguutit atugarimmassuk ledningimut imermik inerlugu suliareriikkamik imeqarfimmit ledninginut maqitsivilinnut, illunut maqitsiveqarfinnut ikuallattoornissamullu ventilinut ingerlatitseqqinnermi.

Tamannattaaq patsisigalugu siunnersuutigineqarpoq "maqitsiveqarfiit" imaalillugit allanngortinneqassasut: "illut maqitsiveqarfiit", tassa illut maqitsiveqarfiit Kalaallit Nunaanni nalinginnaasumik taaguutaammat.

#### *Nr. 3-mut*

Imm. 1-imut ilanngutassatut siunnersuutigineqarpoq imeqarfiit ulloq unnuarlu 10 kubikmeteri inorlugu pissarsisartut akuersissummik pisariaqanngitsut. Tamatumuunakkut pequssutissatut siunnersuut EU-p imeq imigassaq pillugu pequssutaanut nr. 98/83/EF-imut Avatangiisinut Pinngortitamullu Pisortaqarfiup inassutigisaatut naapertuutilissaaq.

Suliffeqarfiup imermik pilersuisup imeqarfik assignngilaa. Suliffeqarfimmi imermik pilersuisumi ingerlatsineq ingerlatsinermi atortut ilaattut imeqarfimmut atavoq.

#### *Nr. 4-mut*

Pequssutissatut siunnersuummi imm. 1-ip Naalakkersuisut pisinnaatippai kommuninit inuutissarsiornermilu suliffeqarfinnit paasissutissat suusulluunniit

Naalackersuisut suliassat peqqussummi taaneqartut isumaginissaannut pisariaqarsorisaasa piumanissaannut.

Unammilleqatigiinneq mianeriumallugu inassutigineqarpoq suliffeqarfiit imermik pilersuisut Naalackersuisutulli kommuninit inuutissarsiornermilu suliffeqarfinit paasissutissanik piumanissamut pisinnaatitaassanngitsut.

Peqqussutissatut siunnersuummi imm. 2-p oqaasiliornera taamaalilluni "paasissutissat taamaaqatai" taarserneqarlutik uannga "paasissutissat tassunga tunngasut". Oqaaseqatigiinnit "paasissutissat tassunga tunngasut" suliamut alajangersimasumut pisariaqartut pineqarput. Taamasilluni suliffeqarfiit imermik pilersuiviit killeqanngitsumik paasissutissanik piunasaqarsinnaanerit killilerniarneqarpoq, suliamut aliangersimasumut tungassuteqanngippata.

*Nr. 5-imut*

Allannguutikkut peqqussutissatut siunnersuummi kukkusumik innersuussineq iluarsineqarpoq. Taamaallaat teknikkikkut iluarsiineruvoq.